

Nalog supervizora o izuzimanju vjerskih objekata i groblja prilikom

Prema ovom nalogu, izdatom 18. novembra 2002. godine, vjerski objekti i groblja moraju biti izuzeti iz imovine javnih preduzeća prije privatizacije. U vjerske objekte ubrajaju se crkve, džamije, sinagoge i ostali objekti koje vjerske zajednice koriste prvenstveno za obavljanje molitve ili službe. Izuzimanje se ne odnosi na potpuno uništene objekte ili groblja sa kojih su uklonjeni svi posmrtni ostaci za koje se znalo.

Supervizor za Brčko, Henry L. Clarke, ovako komentariše pomenuti nalog: "Tokom 20. vijeka fašističke i komunističke vlade su oduzimale, uništavale i zloupotrebljavale imovinu vjerskih zajednica. Ali nakon pada komunizma, demokratske vlade širom istočne i centralne Evrope vratile su religiju i poštovanje prema mrtvima na zasluženno mjesto u društvu."

"Neposredna potreba za izdavanjem ovog naloga ukazala se prilikom nedavnog raspisivanja tendera za prodaju javnog preduzeća "Majevica". Na zemljištu fabrike nalazi se crkva. Ne smijemo ponavljati greške komunističkog režima oduzimanjem crkve i njenom prodajom kao da se radi o objektu u legitimnom društvenom vlasništvu. Ne radi se o novcu – crkva u ovakvom oštećenom stanju nema novčanu vrijednost. Ovim nalogom se jednostavno iskazuje poštovanje prema imovini koja je prvobitno korištena prvenstveno u vjerske svrhe. Naravno da će se to podjednako primjenjivati na džamije, sinagoge i groblja ukoliko se ispostavi da su uključena u imovinu preduzeća koja se privatizuju."

Nalog se ne odnosi na ostale zgrade niti zemljište bez obzira da li se radi o imovini vjerskih zajednica ili ne, niti se

njime reguliše pitanje naknade. Ovakva pitanja se moraju regulisati sveobuhvatnijim zakonom.